

Oqaluuserisassanut nassuiaat

(Inatsisartut Siulittaasuat)

Maanna katersuunnermi apeqquteqaat aallaavigalugu oqallisissiat sinneruttut UKIU21-mi suliarineqartussanngortinneqarlutik nuunneqassasut Siulittaasoqarfiup aalajangiuppaa. Aalajangernermut tunngaviuvoq ukiakkut ataatsimiinnermi ulluni ataatsimiiffinni sinneruttuni aalajangiiffigisassatut siunnersuutit siullermiigassat suli 30-it sinnerpaat.

Sapaatip akunnerani matumani ullut ataatsimiiffissat nikisinneqarput, taamaalillunilu sisamangorneq ulloq 12. november inersuarmi ataatsimiiffiussaaq tallimangornerlu ulloq 13. november inersuarmi ataatsimiiffiunani ataatsimiititaliat ataatsimiinnerinut atugassanngortinneqarpoq. Tallimangorneq ulloq 13. november aningaasanut inatsisissatut siunnersuutip pingajussaaneerneqarnissaanut atorineqartussaagalarpoq. Una pillugu Naalackersuisunit inatsisissatut siunnersuut Siulittaasoqarfimmit utaqqineqarpoq, tassalu: 2021-mut aningaasanut inatsisissamut siunnersuutip, 2021-mut nuna tamakkerlugu akileraarutip aamma nuna tamakkerlugu immikkut akileraarutip akuersissutiginnissaanut killigititat sivitsorneqarnerat pillugit Inatsisartut inatsisaat nr. xx, xxx 2020-meersoq.

Inatsisissatut siunnersuutip ullormi ataatsimiiffimmi ataatsimi siullermeerneqarnissaa, aappassaaneerneqarnissaa pingajussaaneerneqarnissaalu naatsorsuutigineqarpoq.

Tamatumalu kingorna aningaasanut inatsisissatut siunnersuutip aappassaaneerneqarnissaa pingajussaaneerneqarnissaalu Siulittaasoqarfimmit aalajangersarneqassaaq.

Immikkoortoq 198-ip pingajussaaneqarnissaa kinguartinneqarpoq. Siunnersuummik naammassinnilluni suliarinninnissaminut Inatsisinut Ataatsimiititaliap allannguutissatut siunnersuut utaqqivaa. Ulloq suliarinniffissaq nutaaq kingusinnerusukkut nalunaarutigineqassaaq.

Immikkoortoq 198: Uunga siunnersuut: Inatsisartunut qinersisarneq pillugu Inatsisartut inatsisaat nr. xx, xx. xxx 2020-imeersoq.

Siunnersuuteqartup immikkoortoq 88 tunuartippaa. Immikkoortoq ullumi siullermeerneqartussaagalarpoq.

Immikkoortoq 88: Siunnersuut Inatsisartut aalajangiiffissaatut siunnersuutigienqartoq, Naalackersuisut peqquneqassasut periarfissanik misissueqqullugit Peqqinnissaqarfimmi misileraammik aallartitsisinnaaneq pillugu, napparsimasut kræft-ertut nappaammik suussusaannik oqarfigineqarsimasut nassuiaanneqarsimasullu nakorsanik allanik nalilersuiffigiteqqissinnaanissaminut, tassa second opini-on. Second opinion – isuma alla – taamak pisinnaatitaaffeqarnerup ilagaa katsorsaatitut atorineqarsinanasut Kalaallit Nunaanni aammalu Qallunaat Nunaanni pissarsiassanngitsut

pisinnaatitaaffigilersinnaassaannut misissuunneranissaat, nunami allami
katsorsarneqarsinnaanermik misissuiffigienqarsinnaalerlutik. Suliamik taamak ittumik
piviusunngortitsisinnaanerup misissuiffigisimanagera qinnutigaarput
saqqumiunneqarsinnaassasoq kingusinnerpaamik UPA2021-mi.

Immikkoortut ullumi angumerineqanngitsut ullup tullianut ingerlaqqissapput.

Ilaasortat uku akornanni taasisarnerit pillugit isumaqatigiissuteqartoqarpoq:

Simigaq Heilmann, Demokraatit og Bentiaaraq B. Ottosen, Atassut

Tillie Martinussen, Suleqatigiissitsisut og Kim Kielsen, Siumut

Aleqa Hammond, Nunatta Qitornai og Sofia Geisler, Inuit Ataqtigiit

Erik Jensen, Siumut og Agathe Fontain, Inuit Ataqtigiit